



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Isacius C. 30. Maii.

urn:nbn:de:hbz:466:1-44055

^{30. Maii.}
rat misericordes obtutus suos ad miseros, & offensi Filii
justitiam flectat ad gratiam. S. Laur. Just. serm. de
Ass. B.M.V.

S. ISACIUS C. ^{30. Maii.}

Movebat in hostem Imperator Valens ipse
Dei longè maximus hostis, ut qui pro Ari-
nis pugnabat, templisque Catholicos arcebat. Oc-
currit eunti Isacius noster plenus fatidico spi-
tu, & libertate Christianâ armatus, monuit, si pa-
cem in Imperio exoptaret, ne bellum cælo faceret: siq;
belli portas claudere percuperet, Catholicorum templo
prius aperiret; aliter crederet cum Superis sibi bellum
fore, nec nisi sanguine suo, & interitu litaturum Marti.
Hæc inquam, & similia non semel Isacius occi-
nebat Valenti. At hic molestum monitorem in
obvia dumeta jussit abjici. Scilicet si spinæ illæ
nunquam alias, tunc certè rosas tulerunt, sanguin
emque biberunt, quo rectè erubescerent. Et ve-
rò ad formosa spectacula tres Cœlites ad volarum
gestieruntque à spinis Isacivm (hoc est rosam)
tollere, qui eadem mox oracula tyranni auribus
ingessit. Tum verò eum asservari inter vincula
jussit Valens, dum redux è bello victorique otios
rideret vatem suum. At hic abeundi illa alterius
vatis verba dixit, si reversus fueris in pace, non locu
tus est in me Dominus. Enim verò Valens acie vi
ctus est, & qui fumos vendenti Ario crediderat,
fumo igneque in fugâ periit: at Isacius vatis ho
nores tulit. Illi urbis portæ ad preces, quoties li
buit, patuerunt. illum mortuum omnis Constan
tinopolis tam luxit, ut unicum hominem omnium
humeris crederes efferri. Ex Metaphr. & Menol.

Cooperatores sumus gratiae Dei: non enim dormient
bu

30. Maii. VITÆ SANCTORVM. 273
bus provenit regnum celorum, nec otio desidiaq; torpen-
tibus beatitudo eternitatis ingeritur ; sed, quia si com-
patimur, conglorificabimur, illa nobis currenda est via,
quam ipse Dominus se esse testatus est. S. Leo. serm. 5.
de Epiph.

B. JACOBUS VENETUS. 31. Maii.

Quid matrem crepas pueritia , quid patrem,
scopulos sœpè filiorum ? Si cælo digna es
nunquam orba eris, cælum te adoptabit. Ecce JA-
COBVS cum patre matrem puer amisit. At avia
ejus , lectissima matrona , matrem illi dulciores
MARIAM ostendit , cuius si horarias preces tanti-
spes recitaret (& tempus definiebat) præmia cupi-
do pollicita est : quæ etsi illa non persolvit , per-
rexit tamen JACOBVS officium suum facere , &
horas Marianas quotidie decurrere. Ita filius MA-
RIÆ in D. Dominici familiâ patrem etiam JESVM
invenit , cuius uti nuper MARIÆ , nomen ita ani-
mo infixum gestabat , uti tunc oblivisci horum
posse videretur, si patris & matris posset. Ex Divis
præterea præcipuâ veneratione colebat Ascidum ,
& Victorium M M. quorum officium dum ad
XVII. Novemb. in horto recitat , vernum præ-
mium rosam recentem abstulit , anniversarium
postea, quemadmodum ajunt, miraculum. Romæ
quoque D. Sebastiani porta clausa aliis, pietati JA-
COBI ultrò patuit. Linguae petulantiam si quis-
quam alias, ille odit. Itaque illud Augustini ex eo
crebrò audivisse, *Felix lingua, quæ non novit, nisi de
divinis, texere sermonem.* Obiit anno M. CCC. XIV.
cum carcinomate IV. annos laborans egregia pa-
tientiæ documenta edidisset , certus antè de fato.
& horâ fati. Reliquit post se , præter binos mortuos